

Gvangjsih Minzcuz Bau

Cawiguenj: Gvangsiah Bouxcuengh Swcigh Minzcuz Cunghvau Swvu Veijvenzvei Cawjbanh: Gvangsiah Minzcuz Bause Geiz neix 8 bani
广西民族报 Aenhauh okbanj: CN45-0036 B.2023 Nd.4 Ng.26 Liggaueq gvejmaux nienz nyinh ndwensam cocaet Geizsoq: Gungh daih 3570 geiz

Bi 2023 “Sam Nyied Sam Bouxcuengh·Ciet Guh’ angq Guengjsae” Hoenghhwd Haimuq

Liuz Ningz Sunh Daveij Daengj Caeuq Gak Cuz Ginzung Itheij Angqhoh Ngoenzciet
2023 年“壮族三月三·八桂嘉年华”欢乐启幕

刘宁孙大伟等与各族群众共庆佳节

Youq mwh daengx gih haeujlaeg guh aen cawjdaez gyauyuz hagsib gvancez sevei cujyi swhsiengj miz Cungguek daegsaek seizdaih moq Siz Ginbingz, 4 nyied 21 hauh banhaet, 2023 nienz “sam nyied sam Bouxcuengh·ciet guh’ angq Guengjsae” aeu “sam nyied sam hwnghoengh buethaeuj seizdaih moq” guh cawjdaez haenx youq Nanzningz Si Cinghsiusanh hoenghhwd haimuq, aeu cienzswnj hwnghat conzdungj vwnzva maenhndei Cunghvaz guh cehsim, baijok gij hoenghhwd, gagsaenq, ginghci fazcanj ndeiraeuh seizdaih moq Guengjsae. Swcigh Dangjveij suhgi, Swcigh Yinzda Cangzveijvei cujyin Liuz Ningz, Swcigh Cwnghez cajsiz Sunh Daveij daengj daeuj daengz hozdung yienhciengz, caeuq gak cuz ginzung itheij angqhoh ngoenzciet.

Ngoenzhaenx Cinghsiusanh va hai anglwenq, sing fwen goksad, heiq doxgaiq ndeigwn rangftwt. Banhaet 9 diemj, Liuz Ningz, Sunh Daveij daengj swcigh lingjdauj daenj buhvaq minzcuz daeuj daengz hozdung yienhciengz, caeuq baux ginzung daibyauij Bouxcuengh Nungz Funggenh, baux minzcuz doxgiet cinbu mozfan goyinz baez daihcaet Nanzningz Si Linz Hingh, itheij vih 2023 nienz “sam nyied sam Bouxcuengh·ciet guh’ angq Guengjsae” caeuq aen cezmuq Cunghyangh Gvangjbo Densi Cungi-daiz “Youq Gwnz Dieg Gvangqlangh

Cungguek Doq Byaij Doq Diuq” biengj muq.

“Sam nyied sam” dwg gij ndaej-geiq caezcaemh Cunghvaz Minzcuz. Bineix “sam nyied sam Bouxcuengh·ciet guh’ angq Guengjsae” haimuq yienjok faen baenz funksug caeuq ngoenzhaw “sam nyied sam” ciuhgeq, guh’ angq seizhwngh, minzcuz doxgiet sam aen danyienz, doenggvaq hai ruz youz, gwnz raemx eu fwen diuq foux, seizcin youzlangh, lwgnyez dik giuzduk, DJ seizhwngh biujyienj, funksug gietvaen Bouxcuengh daengj gak cungj dozdung seizgeq ciuhneix dox giethab hawj daihgya caez guh’ angq, guh dwk angq hoengh dangqmaz.

Liuz Ningz, Sunh Daveij daengj doq byaij doq yawj doq dingq lwnghangj, seiz mbouj seiz daengx roengzdaej yawjgonz biujyienj baijok, byaij daengz henz huz, youq henz haenz cap nye goliux, lij youq bakdou gvaengh diegnywj hung haenx veh lwgda duz saeceij dem. Youq gwnz diegnywj hung, gyoengq daibyauij daengx gih gak cuz ginzung caeuq gyoengq daibyauij beixnuengx Daizvanh itheij ciengq go diuq foux, nauh-yied dangqmaz. Liuz Ningz, Sunh Daveij daengj byaij haeuj ndaw ginzung daibyauij bae, caeuq daihgya ragfwngz diuq fouxlienhsim, sengsoengh baijok gij cingzeiq naekna Cunghvaz Minzcuz doxgiet, minzcuz doxgiet ranz vunz ndeu.

“Gvangsiah bya heu raemx seuq,

minzcuz vwnzva fungfouq anglwenq, dwg ndawbiengz gizdieg fwen ceiq gyaenz ndeu. Ginggvaq lai bi roengzsim dajcauh, ‘sam nyied sam Bouxcuengh·ciet guh’ angq Guengjsae’ gaenq baenz aen hoih hunghoengh baijok gij gyaen minzcuz vwnzva, doidoengh ginghci sevei hwnghat, coicaenh minzcuz doxgiet.” Liuz Ningz gig haenh gij cingzyauq aen vwnzva lijyouz binjbaiz hozdung “sam nyied sam Bouxcuengh·ciet guh’ angq Guengjsae”, giengzdih aeu genhciz aeu gij cingsaenz Ngeihcib Daih Dangj guh dazyinx, aeu vwnzva daeuj dajcauh lijyouz, aeu lijyouz bae baijok vwnzva, haeujnaek gietcomz swhsiengj, coicaenh fazcanj, hawj ginzung ndaej leih, doenggvaq guh gij vwnzva hozdung ginzung gyaenzmaij, neiyungz fungfouq lai yiengh haenx, dazyinx daengx gih gyoengq dangjyenz ganbu caeuq gak cuz ginzung youq ndaw hagsib gvancez aen sevei cujyi swhsiengj miz gij daegsaek Cungguek seizdaih moq Siz Ginbingz raen miz saedyauq, aeu hag couq hoenz, hag hawj coengmingz, aeu hag cingq heiq, aeu hag coi guh, caenh’ it-bouh gyagiengz gak minzcuz dox baedauq dox gyaoulou dox yungzhab, maenhhaed couqmaenh gij eijsik caezcaemh Cunghvaz Minzcuz, haenqrengz sij roengz bien faenzcieng Guengjsae yendaiva yiengh Cungguek, aeu laebguh seizdaih moq Gvangsiah gyaendei vih Cunghvaz Minzcuz

fukhwng hungmbwk dem rengz dem rongh.

Hoz Vwnzhau, Fangz Lingzminj, Hoz Yinzyoz, Vangz Veizbingz, Cai Lisinh, Nungz Swnghvwnz, Couh Yigez, Fangh Cunhmingz, Hij Yenjveih, Myauz Ging’ vang, Liu Binjhuj, Lij Cangzgvanh, Ciz Sauconh, Cenz Yozmingz, Liuz Yungjmeiz, Vangz Haijlunz, Mauz Cwngvaz, Daengx Guek Cwnghez vejyenz, Haijyaz Song Hamq Gvanhhi Hezvei fuveicangj Lungz Mingzbyauh, Neimungzguj Swcigh Dangjveij cangzveij, Senhconzbu bucangj Cwng Hungzfan, Cunghsenhbu Sinhvwngziz caeuq Gveicouh, Yinznanz, Sanjsih, Ningzya, Sinhgyangh daengj swngj gih dangjveij senhconzbu hekbengz, caeuq swcigh mizgven bouhmonz baux fucwz dungzei, gak cuz ginzung daibyauij daengj itheij camgya gij hozdung gwnzneix.

Ciuq lwnhnaeuz, bineix “sam nyied sam Bouxcuengh·ciet guh’ angq Guengjsae” laebdaeb guh ndwen ndeu, swcigh yaek guh 9 hangh cungdenj hozdung caeuq “fungcingz Gvangsiah Bouxcuengh noengzgwd” “minzcuz dijyuz lwenqndei” “doxiek youz Gvangsiah” “e vangj angqyangz cawx” “huzndei youz Guengjsae” haj aen bouhfaenh gungh 41 aen daihloih hozdung, daengx gih gihcwngz ginzung “sam nyied sam” hozdung yaek dabdaengz 1000 lai ciengz.

(daj Gvangsiah Yizbau hoiz daeuj)



Ganj Haw Feihyiz Cungguek—Dunghmungz Gamjsouh Gij Gyaendei Gak Minzcuz Vwnzva Ndaw Guek Rog Guek

赶中国—东盟非遗大集 感受中外各民族文化之美

4 nyied 22 hauh, Gaiq Daih’ it Cungguek—Dunghmungz(Nanzningz) Feihvuzciz Vwnzva Yizcanjcouh youq Nanzningz Minzgohhuz Gvangcangz haimuq, 150 lai hangh feihvuzciz vwnzva yizcanj hanghmoeg daj Cungguek 25 aen swngj(gih, si) caeuq 8 aen Dunghmungz guekgya daeuj haenx gyonjgyoeb okdaiz. Baux biujyienj yunghsim bae yienj, bauxngonz ngonz dwk mizyinx supsup, caezgya dox yawjgonz hagsib, gamjsouh gij gyaendei gak minzcuz vwnzva ndaw guek rog guek.

Cungguek—Dunghmungz(Nanzningz) Feihvuzciz Vwnzva Yizcanjcouh yaek banh aen singhgiz ndeu, de dwg “sam nyied sam Bouxcuengh·ciet guh’ angq Guengjsae” aen cungdenj hozdung ndeu, neiyungz baudaengz Cungguek—Dunghmungz Feihvuzciz Vwnzva Yizcanjcouh haimuq hozdung, haw hung feihyiz Cungguek—Dunghmungz, baijyienj feihyiz Cungguek—Dunghmungz, Cungguek—Dunghmungz feihyiz “lungz” cawjdaez gyaoulou baijok, langhbaiz gij cingzik feihyiz haeuj hagdangz Cungguek—Dunghmungz, aen hoih codanz gyaoulou feihyiz Cungguek—Dunghmungz, Cungguek—Dunghmungz Feihyizcouh daih lienzvuen daengj.

Ndaw doz dwg haimuq biujyienj. (bonjbauq gicej Veiz Yingcinh ingi)